



Oroitzapenezko ekintzak eta  
biktimen aitortza sustatzen  
laguntzeko udalei eskaintzen  
zaien agiri informatiboa

---

Euskal kasuan izandako  
**bizitzeko eskubidearen**  
**aurkako urraketen**  
argazkiak, **herriz herri**

---

**Gernika-Lumo, 1960-2010**

(Bigarren edizioa)

**2016ko azaroa**

---

EUSKO JAURLARITZA



GOBIERNO VASCO

LEHENDAKARITZA  
Bakegintza eta Bizkidetzarako  
Idazkaritza Nagusia  
Biktimen eta Giza Eskubideen Zuzendaritza

PRESIDENCIA  
Secretaría General para la Paz  
y la Convivencia  
Dirección de Víctimas y Derechos Humanos



Oroitzapenezko ekintzak eta  
biktimen aitortza sustatzen  
laguntzeko udalei eskaintzen  
zaien agiri informatiboa

---

Euskal kasuan izandako  
**bizitzeko eskubidearen**  
**aurkako urraketen** argazkiak,  
**herriz herri**

---

**Gernika-Lumo, 1960-2010**

Bigarren edizioa

**2016ko azaroa**

Bakegintza eta Bizikidetzarako Idazkaritza Nagusia  
Biktimen eta Giza Eskubideen Zuzendaritza

---

**EUSKO JAURLARITZA**



**GOBIERNO VASCO**

LEHENDAKARITZA  
Bakegintza eta Bizikidetzarako  
Idazkaritza Nagusia  
Biktimen eta Giza Eskubideen Zuzendaritza

PRESIDENCIA  
Secretaría General para la Paz  
y la Convivencia  
Dirección de Víctimas y Derechos Humanos



## Aurkibidea

---

Aurkezpena. 6

---

### Bizitzeko eskubidearen **urraketak**.

1. ETAm eta ETAk bizitzeko eskubidearen aurka egindako urraketak. 9
  2. Segurtasun-indarrek bizitzeko eskubidearen aurka egindako urraketak. 19
- 

Erabilitako iturri eta zerrendak. 23

---

---

## Aurkezpena

---

2015eko irailaren 4an, Eusko Jaurlaritzako Bakegintza eta Bizikidetzarako Idazkaritza Nagusiak jendaurrean aurkeztu zituen “Euskal kasuan izandako bizitzeko eskubidearen aurkako urraketan argazkiak, herriz herri (1960-2010)” izeneko dokumentuak. Guztira, 130 liburuxka dira, beste horrenbeste udalerriri buruzkoak. Ekitaldia egin zen Gogora – Memoriaren, Bizikidetzaren eta Giza Eskubideen Institutuaren egoitzan, Iñigo Urkullu buru zela, eta, han, liburuxka hauek banatu zitzaizkien alkateei.

*Erretratu* bakoitzak 1960 eta 2010 bitartean herri bakoitzean gertatu diren indarkeriazko heriotzen inguruan dagoen informazioa ematen du; betiere euskal kasuarekin lotuta dauden edo egon daitezkeen heriotzei buruzkoa. Helburua da memoriari buruzko udal-politika sustatzeko informazioa ematea, eta biktimengana eta haien senitartekoengana hurbiltzea. Egia esan, berehalakoan nabaritu zen dokumentu horiek udalen esku utzi izanaren eragina. Izan ere, 2014arekin alderatuta, laukoiztu egin zen 2015eko azaroaren 10ean Memoriaren Eguna ospatu zuten udalen kopurua.

Lehen edizio haren aurkezpenean argi adierazi zenez, bildutako kasuetatik gehienetan, dagoen informazioa bat dator eta nahikoa da. Dena den, kasu batzuei buruz, batez ere hirurogeiko hamarkadan, hirurogeita hamarreko hamarkadan eta laurogeiko hamarkada oso hasita zegoen arte izandakoetan, ez dago nahikoa informaziorik edo bertsio kontraesankorrek eta datu nahasgarriak agertzen dira; horrenbestez, oraindik ezin da azken ondorioa atera. Alde horretatik, beraz, azpimarratu zen lan hori ezin zela behin betiko amaitutzat eman, eta zabalik zegoela osatuz joateko.

Aurkezpena egin zenetik, ekarpen eta kontsulta ugari egin dituzte eraginpekoek, udalek zein herritarrek. Eta ohar horiei esker, asko hobetu da hasierako dokumentua. Hala, hartutako konpromisoa garaiz bete ahal izan da, eta prest da bigarren edizioa: 2016ko azarotik, udalen esku da, eta herritarrek ere eskura dezakete Gogoraren eta Bakegintza eta Bizikidetzako Idazkaritza Nagusiaren weguneetan.

Data horretatik aurrera eta bi webgune horietan, beste informazio-gune bat ireki da, “Aitortutako biktimak” izenburupean: informazio zehatza ematen du lege-arau baten babesean errekonozitu diren biktimei buruz. Terrorismoaren biktimei dagokienez, 1960tik aitortutako kasuak biltzen ditu, biktimei erreparazioa egiteko onartu diren legeak oinarritzat hartuta: 29/2011 Legea, 32/1999 Legea (Estatuko araudia) eta 4/2008 Legea (araudi autonomikoa). Funtzionario publikoek bizitzeko eskubidea urratu dieten biktimei dagokienez, 107/2012 Dekretuak aitortutako kasuak jaso dira, 1960tik 1978ra bitartekoak.

*Aitortutako biktima* horiez gain, badira aitortzeke dauden biktimak ere. Horietako asko datozen urteotan uztailaren 28ko 12/2016 Legea garatu zain daude: Eusko Legebiltzarrean onartu berri da, Euskal Autonomia Erkidegoan giza eskubideen urraketak jasan dituzten biktimei errekonozimendua eta erreparazioa emateko. Beste kasu batzuk, berriz, ez daude argi ikerketarik egin ez zelako, bertsio kontrajarriak daudelako, urraketak nork edo zergatik egin zituen argi ez dagoelako edo ebazpen judizialaren zain daudelako.

Puntu honetan, beraz, bi datu-baseak elkarren osagarri dira. “Aitortutako biktimak” izeneko gunean, lege baten babesean aitortpena jaso duten biktimei buruzko informazioa biltzen da. *Udal-erretratuak* ez dira biktimei errekonozimendu ofiziala emateko agiri ofizialak, informazioa ematekoak baino. Zerrenda horretan, aitortutako biktimei buruzko informazioa ematen da, batetik, eta prozedura judizial bidez edo lege batek babestutako administrazio-egintza baten bidez aitortpena jaso zain dauden biktimena ere bai, bestetik.

60/147 Ebazpena da nazioarteko zuzenbideak biktimei zuzendutako politikak egiteko duen bitartekorik garrantzitsuen; Nazio Batuen Batzar Nagusiek onartu zuten, 2005ean. Ebazpen horren 9. artikuluan berariaz jasota dago pertsona bat biktimatzat hartuko dela, alde batera utzita kasua judizialki erabat argitu den ala ez. Horrela izan ez balitz, terrorismoaren edo bestelako indarkerien biktimak ezin izango lirateke biktimatzat hartu, baldin eta kasu horiek epaitu edo argitu gabe baleude, eta, ildo horretatik, ezin izango litzazieke erreparaziorik egin errekonozimendu-lege batek babestutako administrazio-egintza baten bidez.

Ez dira sartu *Udal Erretratu* hauetan nazioarteko zuzenbidearen estandar horien arabera bizitzeko eskubidearen urraketatzat hartu ezin daitezkeen kasuak, gertatutako unean zegoen indarkeria testuinguruarekin lotura zuzena izanik ere. Hor sartzen dira suizidioak, istripuak, indarkeriazko ekintza batean gertatutako heriotzak, polizia-kidegoen artean egindako ustekabeko tiroak...

Oinarri horien gainean, *Udal Erretratuak* egiteko, biktimei buruz argitaratuta dauden zerrenda guztiak aztertu dira: Barne Ministerioak, Nafarroako Gobernuak, Eusko Jaurlaritzak, biktimen elkarteek, komunikabideek zein egile partikularrek egindakoak. Udalerrri bakoitzeko liburuxkan sartu dira hala bere lur-eremuan izan diren biktimak, nola, ekintza bera beste nonbait gertatuta ere, herri horretakoak diren edo bertan bizi diren biktimak.

Bi ataletan egituratu da edukia: lehenengoan, bizitzeko eskubidearen urraketa nahikoa frogatutaz dagoen kasuak jasotzen dira, egileen eta hurrenkera kronologikoaren arabera antolatuta. Bigarrean, berriz, nahikoa argitu ez direla-eta kalifikazio hori behin betiko baietsizat ezin eduki dezaketen kasuak biltzen dira.

EAEko udalek adierazitako behar batetik sortu zen lan hau; izan ere, memoria-ekitaldiak sustatzeko orduan, ez zuten nahikoa informazio udalerrian izandako biktimei buruz. Dokumentu honek tresna erabilgarria izan nahi du udal-arduradunek memoriari buruzko proiektuak egiteko orduan herriko informazio guztia eskura izan dezaten.

Azken batean, iraganean nozitutako terrorismoaren eta indarkeriaren aurrean memoria kritikoa bultzatzeko betebeharrak instituzionalari erantzutea da kontua. Biktimen oroimena bizirik iraunarazteko memoria, eta orainaldian eta etorkizunean giza eskubideekiko behin betiko konpromisoa helarazten duena, bereziki, bizitzeko eskubidearen eta pertsonen duintasunaren errespetuarekiko konpromisoa.

Garrantzitsua da argi izatea memoriaren politika publiko baten helburua ez dela *omenaldiak* egitea. Bi helburu nagusi ditu, eta zentzu sozial eta politiko sakonagoa dute helburu horiek: biktimei dagokienez, gertatutakoa gogoraraztea, jasan zuten bidegabekeria aitortzea, eta haienganako elkartasuna adieraztea beste behin ere, eta, gizarteari dagokionez, berriz, gogoeta kritikoa sustatzea iraganean gertatutakotik berriz ere gertatu behar ez duenaz hausnartzeko, edo, aitzitik, gertatutako horretatik azpimarratu behar denaz hausnartzeko.

Liburuxka hauetako bakoitza berriz ere gertatu behar ez duenaren eta ahaztu behar ez denaren erretratu da. Dokumentuaren izenburuan *erretratua* hitza jasotzen da, erretratuak gizakiaren irudia erakusten duelako; aurpegia, begiak eta espresioa dituelako. Erretratuak pertsona jakin bat irudikatzen du; izen, abizen, familia, lagun, istorio, amets eta proiektuak dituen pertsona jakin bat. Biktimen sufrimendu bidegabekia hezur-mamitzen duten aurpegiaren erretratua duzu dokumentu hau.





---

# Bizitzeko eskubidearen **urraketak**

---

## 1. **ETAm** eta **ETAk** bizitzeko eskubidearen aurka egindako urraketak

---

# 1

## Andres Segovia Peralta

---

**Data:** 1975/05/06.

**Adina:** 41 urte.

**Jaioterria:** Moral de Calatrava (Ciudad Real).

**Destinoa:** Gernikako kuartel-etxea.

**Seme-alabak:** Alaba bat eta seme bat.

**Lanbidea, kargua, beste batzuk:** Guardia zibila.

**Egiletza:** ETAm.

**Lekua:** Ospitalera zeramatela hil zen, Astra, Unceta y Cía arma-fabrikari zerbitzua amaitu eta tirokatua izan ondoren.

**Prozedura:** Su-arma bidezko atentatua.

**Datu gehiago:** Moral de Calatravako udalak herriko seme kutun izendatu zuen.

# 2

## Domingo Sanchez Muñoz

---

**Data:** 1975/05/14.

**Adina:** 48 urte.

**Jaioterria:** Sobradillo (Salamanca).

**Destinoa:** Gernikako kuartela.

**Seme-alabak:** Lau seme-alaba.

**Lanbidea, kargua, beste batzuk:** Guardia Zibileko Informazio Zerbitzuko tenientea.

**Egiletza:** ETAm.

**Lekua:** Gernikako Bizkaiko Jaureria kalea.

**Prozedura:** Poliziaren atxiloketa-operatibo batean, elkarri tiro eginda.

**Datu gehiago:** Poliziaren atxiloketa-operatibo batean, hil zen, enfrontamendu baten ondorioz. Operazio berean, etxeko jabeak hil zituzten –Blanca Saralegi Allende eta Iñaki Garai Lejarreta senar-emazteak–, eta, handik gutxira, Ajangiztik gertu, etxetik ihes egindako etakide bat: Jesus Markiegi Aiastrui, 20 urtekoa.

# 3

## Augusto Unceta-Barrenechea Azpiri

---

**Data:** 1977/10/08.

**Adina:** 54 urte.

**Jaioterria:** Gernika (Bizkaia).

**Seme-alabak:** Hiru seme-alaba.

**Lanbidea, kargua, beste batzuk:** Bizkaiko Aldundiko lehendakaria. Herriko Astra, Unceta y Cía arma-fabrikaren jabea. Gernikako alkate ohia.

**Egiletza:** ETAm.

**Lekua:** Gernikako Jai Alai frontoitik gertu.

**Prozedura:** Su-arma bidezko atentatua.

**Datu gehiago:** Tirokatu eta hil egin zituzten bere bi bizkartzainak, guardia zibilak: Antonio Hernandez Fernandez-Segura eta Angel Antonio Rivera Navarron. Aldundiko lehendakariak mehatxu ugari jaso zituen, batez ere ikurrina legeztatzearen aurka egin zuenean foru-erakundetik. Urtebete lehenago Gipuzkoako bere homologo Juan Maria Aralucek atentatua jasatean ipini zioten eskolta.

# 4

## Antonio Hernandez Fernandez-Segura

---

**Data:** 1977/10/08.

**Adina:** 23 urte.

**Jaioterria:** Baños de Graena (Granada).

**Destinoa:** Gernikako Guardia Zibilaren kuartela.

**Seme-alabak:** Sei hilabeteko semea.

**Lanbidea, kargua, beste batzuk:** Guardia zibila, Bizkaiko Aldundiko lehendakariaren bizkartzaina.

**Egiletza:** ETAm.

**Lekua:** Gernikako Jai Alai frontoitik gertu.

**Prozedura:** Su-arma bidezko atentatua.

**Datu gehiago:** Bertan hil ziren beste bizkartzaina -Angel Antonio Rivera Navarron- eta Bizkaiko Aldundiko lehendakaria: Augusto Unceta-Barrenechea Azpiri.

# 5

## Angel Antonio Rivera Navarron

---

**Data:** 1977/10/08.

**Adina:** 24 urte.

**Jaioterria:** Socuéllamos (Ciudad Real)

**Destinoa:** Gernikako Guardia Zibilaren kuartela.

**Seme-alabak:** Ezkongabea.

**Lanbidea, kargua, beste batzuk:** Guardia zibila, Bizkaiko Aldundiko lehendakariaren bizkartzaina.

**Egiletza:** ETAm.

**Lekua:** Gernikako Jai Alai frontoitik gertu.

**Prozedura:** Su-arma bidezko atentatua.

**Datu gehiago:** Bertan hil ziren beste bizkartzaina -Antonio Hernandez Fernandez-Segura- eta Bizkaiko Aldundiko lehendakaria: Augusto Unceta-Barrenechea Azpiri.

# 6

## Juan Cruz Hurtado Fernandez

---

**Data:** 1978/11/02.

**Adina:** 25 urte.

**Jaioterria:** Areatza (Bizkaia).

**Bizilekua:** Zornotza (Bizkaia).

**Seme-alabak:** Ezkongabea.

**Lanbidea, kargua, beste batzuk:** Zurgina.

**Egiletza:** ETAm.

**Lekua:** Gernikako Azul tabernako barraren ondoan.

**Prozedura:** Su-armaz lau tiro jota.

**Datu gehiago:** Zauritu egin zen bere laguna -21 urteko Manuela Mosquera-, eta osasun-zentro batean artatu behar izan zuten.

# 7

## Alfonso Manuel Vilariño Orce

---

**Data:** 1979/09/30.

**Adina:** 49 urte.

**Jaioterria:** Ferrol (A Coruña).

**Bizilekua:** Zornotza (Bizkaia).

**Seme-alabak:** Lau seme-alaba.

**Lanbidea, kargua, beste batzuk:** Zornotzako udaltzainburua. Aurreko alkatearen bizkartzaina. Eskuin-muturrarekin lotuta zegoen, eta herritik alde egin behar izan zuen mehatxuengatik. 4 urte zerman kaporal-lanetan, eta 9 urtez izan zen Durangoko udaltzaingoko buruorde.

**Egiletza:** ETAm.

**Lekua:** Gernikako Jai Alai frontoiaren ondoan bere autoaren bila joatean, zesta puntako partidak ikusten egon ondoren.

**Prozedura:** Su-arma bidezko atentatua. Bederatzi tiro jo zizkieten.

**Datu gehiago:** Herriko udaltzainek besoko beltz bat eraman zuten bere oroimenez.



# 8

## Federico Carro Jimenez

---

**Data:** 1987/09/09.

**Adina:** 29 urte.

**Jaioterria:** León.

**Destinoa:** Apiriletik aurrera, Gernikako Guardia Zibilaren kuartela.

**Seme-alabak:** Ezkongabea.

**Lanbidea, kargua, beste batzuk:** Guardia Zibileko kaporal.

**Egiletza:** ETA.

**Lekua:** Gernikako Guardia Zibilaren kuartelaren ondoan, ikuskatzen ari zen auto susmagarri batek eztanda eginda.

**Prozedura:** Bonba bidezko atentatua, urrutitik eraginda.

**Datu gehiago:** Bertan hil zen beste agente bat ere: Manuel Avila Garcia.

# 9

## Manuel Avila Garcia

---

**Data:** 1987/09/09.

**Adina:** 22 urte.

**Jaioterria:** Alcalá la Real (Jaén).

**Destinoa:** Urte hartako otsailetik aurrera, Gernikako Guardia Zibilaren kuartela.

**Seme-alabak:** Ezkongabea.

**Lanbidea, kargua, beste batzuk:** Guardia Zibileko kaporal.

**Egiletza:** ETA.

**Lekua:** Gernikako Guardia Zibilaren kuartelaren ondoan, beste agente batekin ikuskatzen ari zen auto susmagarri batek eztanda eginda.

**Prozedura:** Bonba bidezko atentatua, urrutitik eraginda.

**Datu gehiago:** Bertan hil zen beste agente bat ere: Federico Carro Jimenez.

---

Bizitzeko  
eskubidearen  
**urraketak**

---

**2. Segurtasun-indarrek**  
bizitzeko eskubidearen aurka  
egindako urraketak

---

# 1

## Blanca Salegi Allende

---

**Data:** 1975/05/14.

**Adina:** 42 urte.

**Jaioterria:** Gernika-Lumo

**Seme-alabak:** Seme-alabarik gabe.

**Lanbidea, kargua, beste batzuk:** Hermandad Obrera de Acción Católicako (HOAC) kidea. Karlista-jatorrikoa zen eta katekesia irakasten zuen. Iñaki Garairen emaztea zen.

**Egiletza:** Guardia Zibila.

**Lekua:** Bizkaiko Jaurerria kaleko bere etxean, Gernikan.

**Prozedura:** Guardia zibilak bere etxean sartu ziren 06:00ak aldera, bertan aterpetuta zeuden ustezko bi etakide atxilotzeko asmoz. Guardia Zibilari atea zabaltzean hil zen senarra, gerrian metraileta baten tiro-segida eta kopetan tiro bat jasota. Ondoren Blanca Salegi hil zen, kopetan tiro bat jasota, "Ez hil" garrasi egin ondoren.

**Datu gehiago:** Senideen esanetan, senar-emazteek ez zekiten bi gazteak etakideak zirenik. Gau hartan non lo eginik ez zuten bi ezaguni aterpea emateko eskatu zien lagun batek. Operazio berean, Guardia Zibilak senarra hil zuen. Bi etakideek, berriz, leihotik alde egin zuten, Guardia Zibileko Domingo Sanchez Muñoz tenientea tiroz hil ostean. Etakide bat -Jesus Markiegi Aias-tui- tiroz hil zuten Ajangizko baserri batean. Eusko Jaurlaritzaren aitortza jaso du, ekainaren 12ko 107/2012 Dekretuaren bidez.

# 2

## Iñaki Garai Legarreta

---

**Data:** 1975/05/14.

**Adina:** 52 urte.

**Jaioterria:** Gernika (Bizkaia).

**Seme-alabak:** Seme-alabarik gabe.

**Lanbidea, kargua, beste batzuk:** Iturgina. Elai Alai dantza-taldeko, Juventudes Obreras Católicas (JOC) eta Hermandad Obrera de Acción Católicako (HOAC) kidea. Blanca Salegiren senarra zen.

**Egiletza:** Guardia Zibila.

**Lekua:** Bizkaiko Jaurerria kaleko bere etxean, Gernikan.

**Prozedura:** Guardia zibilak bere etxean sartu ziren 06:00ak aldera, bertan aterpetuta zeuden ustezko bi etakide atxilotzeko asmoz. Guardia Zibilari atea zabaltzean hil zen Iñaki Garai, gerrian metraileta baten tiro-segida eta kopetan tiro bat jasota. Ondoren Blanca Salegi hil zen, kopetan tiro bat jasota, "Ez hil" garrasi egin ondoren.

**Datu gehiago:** Senideen esanetan, senar-emazteek ez zekiten bi gazteak etakideak zirenik. Gau hartan non lo eginik ez zuten bi ezaguni aterpea emateko eskatu zien lagun batek. Operazio berean, Guardia Zibilak emaztea hil zuen. Bi etakideek, berriz, leihotik alde egin zuten, Guardia Zibileko Domingo Sanchez Muñoz tenientea tiroz hil ostean. Etakide bat -Jesus Markiegi Aias-tui- tiroz hil zuten Ajangizko baserri batean. Eusko Jaurlaritzaren aitortza jaso du, ekainaren 12ko 107/2012 Dekretuaren bidez.



---

## Erabilitako iturri eta zerrendak

---

- ABC: *ABC Especiales, Todas las víctimas del terror*, [www.abc.es/especiales/eta/victimas](http://www.abc.es/especiales/eta/victimas)
- Alonso, Rogelio, Florencio Domínguez y Marcos García Rey, *Vidas rotas. Historia de los hombres, mujeres y niños víctimas de ETA*, Espasa, Madril, 2010.
- Arartekoa: *Euskadin terrorismoaren biktimei erakundeek emandako arreta*, Eusko Legebiltzarrari egindako txosten berezia, 2009ko ekaina.
- Argituz (Giza Eskubideen Aldeko Elkarte), [www.argituz.org](http://www.argituz.org)
- Arovite, Valentin de Foronda Gizarte Historiarako Institutua (UPV-EHU). [www.arovite.com/bases-de-datos/](http://www.arovite.com/bases-de-datos/)
- AVT (Terrorismoaren Biktimen Elkarte). [www.avt.org](http://www.avt.org)
- Barne Ministerioa. [www.interior.gob.es/](http://www.interior.gob.es/)
- Calleja, Jose Maria; Sanchez-Cuenca, Ignacio: *La derrota de ETA. De la primera a la última víctima*, Adhara, Madril, 2006.
- Covite (Euskal Herriko Terrorismoaren Biktimen Elkarte). [www.covite.org](http://www.covite.org)
- Egin: *Anuarios 1977-1982 eta Anuarios 1982-1997*.
- El Correo. <http://especiales.elcorreo.com/2006/eta/index.html>
- El País: *Las Víctimas*. [www.elpais.com/especial/eta/victimas.html](http://www.elpais.com/especial/eta/victimas.html)
- Euskal Memoria Fundazioa: *Datu-basea*. [www.euskalmemoria.com](http://www.euskalmemoria.com)
- Eusko Jaurlaritza. [www.lehendakaritza.ejgv.euskadi.net/r48-subpaz/es/](http://www.lehendakaritza.ejgv.euskadi.net/r48-subpaz/es/)
- Fernando Buesa Blanco Fundazioa (dokumenta- zio- eta ikerketa-zentroa). [www.fundacionfernandobuesa.com](http://www.fundacionfernandobuesa.com)
- Fonseca, Carlos (koord.). 1960. eta 2014. *urteen artean hildakoak eragindako erakunde terroristen atentatuen auzibideari buruzko txostena. Euskal kasua*. Bakegintza eta Bizikidetzarako Idazkaritza Nagusiaren enkarguz egina. Eusko Jaurlaritza. 2014ko abendua.
- Giza Eskubideen Zuzendaritza: *Motibazio politikoko indarkeria-egoeran gertatutako giza eskubideen urraketen eta sufrimendu bidegabeen biktimei buruzko txostena*, Gasteiz, Eusko Jaurlaritza, 2008. [www.lehendakaritza.ejgv.euskadi.net/r48-subpaz/es](http://www.lehendakaritza.ejgv.euskadi.net/r48-subpaz/es)
- Juan March Fundazioa. Espainiako trantsizioari buruzko Linz artxiboa. CEACS. [www.march.es/ceacs/biblioteca/proyectos/Linz/](http://www.march.es/ceacs/biblioteca/proyectos/Linz/)

- Lazkaoko Beneditarren Fundazioaren Dokumentaziounea. [www.lbfundazioa.org](http://www.lbfundazioa.org)
- Libertad Digital: *In Memoriam: No olvidar lo inolvidable*. [www.blogs.libertaddigital.com/in-memoriam/](http://www.blogs.libertaddigital.com/in-memoriam/)
- Marrodan, Javier; Araluce, Gonzalo; Garcia de Leaniz, Rocio; Jimenez, Maria: *Relatos de plomo. Historia del terrorismo en Navarra 1960-86*, Iruñea, Nafarroako Gobernua, 2013.
- Nuñez, Luis (koord.): *Euskal Herria y la Libertad* (8 lib.), Tafalla, Txalaparta, 1993.
- Pulgar Gutierrez, Belen: *Víctimas del Terrorismo: 1968-2004*, Madril, Dykinson, 2004.
- Terrorismoaren Biktimen Fundazioa. [www.fundacionvt.org](http://www.fundacionvt.org)
- Terrorismoaren Biktimen Fundazioa: *Asesinatos de ETA en Álava*. [www.alava.net](http://www.alava.net)
- Terrorismoaren Biktimei Laguntzeko Zuzendaritza: *Kontrolatu gabeko taldeen, eskuin muturreko taldeen eta GALen terrorismoak eragindako biktimei buruzko txostena*, Gasteiz, Eusko Jaurlaritza, 2008. [www.interior.ejgv.euskadi.net/r42440/es/contenidos/informacion/informacion\\_documentos\\_interes/es\\_document/adjuntos/informe%20final.pdf](http://www.interior.ejgv.euskadi.net/r42440/es/contenidos/informacion/informacion_documentos_interes/es_document/adjuntos/informe%20final.pdf)
- Vasco Press Agentzia: "Crónica de documentación y actualidad", 1.176. alea, 2004ko abuztua.
- Zenbait egunkari: *ABC, Berria, Deia, Diario de Noticias, Egin, El Correo, El Diario Vasco, El Mundo, El País, Euskaldunon Egunkaria, Gara, Hitz, La Razón, La Vanguardia, Noticias de Álava, Noticias de Gipuzkoa*.